

Lub Xya Hli 2025 cov lus nug ntawm Connector Call

Cov Lus Nug

Daim Ntawv Tso Cai

- Lub xeev puas tseem tab tom xav txog seb puas yuav tso cai rau cov C3 providers kom pub zov ntxiv cov me nyuam uas twb muaj hnuv nyoog txaus mus kawm ntawv lawm?

Lo Lus Teb: DCYF tseem tab tom muab cov tswv yim rau Daim Ntawv Qauv 2 ntawm cov cai txog daim ntawv tso cai. Peb tau txais ntau cov tswv yim los ntawm ntau pab pawg thiab yuav siv cov tswv yim ntawd los koj kev hloov tshiab rau cov cai ntawm daim ntawv tso cai rau yav tom ntej. Raws li tau sau tseg hauv Daim Ntawv Qauv 2, daim ntawv tso cai C3 yuav raug tso cai kom muaj feem zov 18 tus me nyuam, uas tsis pub tshaj 10 tus uas yog cov me nyuam uas tsis tau mus kawm ntawv.

- Puas tseem yuav cia peb siv cov neeg pab los ua hauj lwm tib leeg thaum sawv ntxov thiab tsaus ntuj hauv cov chaw zov me nyuam?

Lo Lus Teb: Nyob rau xyoo 2023, cov tswj cai hauv tsoom fwm tau pom zoo ib co lus uas tso cai rau kev faib cov neeg ua hauj lwm kom yog raws caij thaum cov me nyuam tuaj txog thaum sawv ntxov thiab thaum lawv tawm mus thaum tsaus ntuj. Cov lus hais no yeej npaj tias yuav xaus rau Hnuv Tim 1 Lub Xya Hli 2025; tiam sis, xyoo 2025 cov tswj cai hauv tsoom fwm tau muab cov lus no tso rau hauv ib txoj cai lij choj (Minnesota Statutes, seem 142B.41, qeb 14), yam tsis muaj hnuv tas sij hawm. Ib tug neeg pab yuav tau ua tus hloov xib fwb thaum sawv ntxov los sis tsaus ntuj, yog tias cov sij hawm tuaj txog thiab tawm mus ntawd tsis tshaj 25 feem pua ntawm lub chaw zov me nyuam cov xoj moos ua hauj lwm ib hnuv. Tus neeg pab yuav tsum muaj tsawg kawg 18 xyoos, tau ua hauj lwm hauv qhov chaw zov me nyuam tsawg kawg 30 hnuv, thiab tau kawm tag nrho lawv cov kev cob qhia los pib ua hauj lwm thiab txhua yam kev cob qhia uas yuav tsum tau kawm raws li [seem 142B.65](#) hauv 90 hnuv uas pib ua hauj lwm. Saib txoj cai lij choj [MN Laws, Tshooj 3, Seem 14, Qeb 8](#).

- Puas yuav tsum rau khau txhua lub sij hawm hauv cov chaw zov me nyuam?

Lo Lus Teb: Tsis muaj ib txoj cai lij choj ntawm daim ntawv tso cai uas yuam kom cov me nyuam yuav tsum rau khau txhua lub sij hawm hauv cov chaw zov me nyuam.

- Ib xyos yuav tsum kawm pes tsawg xoj moos rau cov neeg zov me nyuam hauv tsev uas zov txog 12 tus me nyuam?

Lo Lus Teb: Kev kawm nyob ib xyos zoo ib yam nkaus rau txhua hom ntawv tso cai zov me nyuam hauv tsev. Cov neeg zov me nyuam yuav tsum kawm koj muaj 16 xoj moos kev cob qhia txhua xyoo.

- Lub Chaw Hauj Lwm Office of Inspector General tab tom pab li cas kom muaj kev sib raug zoo ntawm cov neeg saib xyuas daim ntawv tso cai thiab cov neeg muaj daim ntawv tso cai, kom muaj kev loj hlob rau cov uas xav ua hauj lwm zov me nyuam hauv tsev?

Lo Lus Teb: Lub hom phiaj tseem ceeb ntawm pab pawg saib xyuas kev tso cai rau kev zov me nyuam hauv tsev ntawm Lub Chaw Hauj Lwm Office of Inspector General (OIG) yog los saib xyuas thiab txhawb txoj kev tswj xyuas kev tso cai uas muab rau lub xeev cov nroog los xyuas, kom ua raws li tsoom fwv teb chaws thiab xeev cov cai lij choj, thiab los tiv thaiv kev noj qab haus huv thiab kev nyab xeeb ntawm cov me nyuam hauv cov tsev zov me nyuam. Peb muab kev cob qhia, kev sab laj, thiab cov ntaub ntawv tso cai uas sib xws rau peb cov neeg koom tes hauv nroog, thiab peb ua hauj lwm ze nrog lawv txhua hnub los txhawb kom ua raws li ib txwm ua dhau los thiab kom mus tau zoo. Peb kuj ua hauj lwm nrog lwm pab pawg uas cuam tshuam, xws li cov neeg muab kev pab zov me nyuam, cov tswj cai hauv tsoom fwv, Ombuds rau Kev Zov Me Nyuam Hauv Tsev, thiab lwm qhov chaw. Pab pawg kuj ua hauj lwm ze nrog DCYF's Child Care Services Division thiab txhawb cov hauj lwm tsim kom muaj peev xwm ntau ntiv, piv txwv li qhov kev pab cuam Wayfinder/Navigator. Tiam sis, lub hom phiaj tseem ceeb ntawm OIG txoj hauj lwm yog los txhawb kom ua raws cai thiab los tiv thaiv kev noj qab haus huv thiab kev nyab xeeb ntawm cov me nyuam hauv cov chaw uas tau txais daim ntawv tso cai.

DEED

- Cov chaw zov me nyuam yuav txais cov ntaub ntawv ntiv txog kev them nyiaj rau lub caij so pab tsev neeg (Paid Family Leave) li cas?

Lo Lus Teb: Pib rau lub Ib Hlis xyoo 2026, Qhov sijhawm pub pag tsev neeg (paid Leave) yuav pab kom cov neeg nyob hauv Minnesota tso tau hauj lwm los pab lawv tsev neeg rau lub caij tseem ceeb hauv lawv lub neej - xws li thaum yug me nyuam, thaum tseem tos kom rov qab zoo thaum muab ib tug mob loj, los sis los pab tu ib tus neeg uas yus hlob tshua. Lub Minnesota Department of Employment and Economic Development tau npaj cov ntaub ntawv rau cov [tsav hauj lwm](#), neeg ua hauj lwm thiab tsev neeg, thiab cov kws kho mob thiab cov chaw pab cuam. Cov tsav hauj lwm tuaj yeem kawm txog lawv txoj hauj lwm thiab cov luag hauj lwm, mus nyem cov lus nug thiab lus teb, thiab [cuv npe kom txais tau cov xov xwm tshiab](#). Koj tseem tuaj yeem xa lus nug uas siv daim nplooj ntawv "stay informed".